



Broj: 04-05-6704/15
Sarajevo, 28.07.2015. god.

SKUPŠTINA KANTONA SARAJEVO

- O V D J E -

PREDMET: Odgovor na inicijativu poslanika Ismira Juske

Veza vaš akt broj 01-05-6704/15 od 08.07.2015.godine

Dostavljamo vam odgovor na inicijativu poslanika Ismira Juske pokrenutu na 2. Radnoj sjednici Skupštine Kantona Sarajevo, održanoj dana 29.04.2015.godine u okviru tačke dnevnog reda "Poslanička pitanja, inicijative i odgovori", a koja glasi:

"Prijedlog vezan za efikasnost čistoće grada ali i praktičnosti. Naime na većini autobuskih i tramvajskih stajališta primjetno je da nema kanti za otpatke. To su mjesta na kojima se svijet skuplja i čeka, što direktno dovodi do toga da se pojavljuje sitni otpad iza njih. Nedopustivo je da metropola i turistički grad kao što je Sarajevo na mjestima koja su toliko frekventna nema kanti za otpatke.

Pokrećem inicijativu da se na svim trolejbuskim, autobuskim i tramvajskim stajalištima postave kante za otpatke."

Članom 11. Zakona o komunalnoj čistoći ("Službene novine Kantona Sarajevo" br.11/97), određeno je slijedeće:

"Na javnim površinama postavljaju se korpe za otpatke.

Na javnim površinama na kojima čistoću održavaju komunalna preduzeća, korpe za otpatke postavljaju, uklanjaju i zamjenjuju novim, komunalna preduzeća, a na ostalim javnim površinama njihovi korisnici, odnosno nosioci prava upravljanja na tim površinama."

Trotoari na kojima su postavljena tramvajska, trolejbuska i autobuska stajališta su javne površine i njihovu čistoću održava KJKP "RAD" te bi i postavljanje korpi za otpatke na trotoarima uz tramvajska, trolejbuska i autobuska stajališta trebalo postavljati to isto komunalno preduzeće (uvidom na terenu utvrđeno je da su pored većine stajališta kante za otpatke i postavljene).



e-mail: dir.ceste@ks.gov.ba www.ks.gov.ba

Tel: + 387 (0) 33 560-402

Sarajevo, Hamida Dizdara 1



OTPREMLJENO
29-07-2015
potpis

Što se tiče korpi za otpatke koje su postavljene u sklopu trolejbuskih i autobuskih nadstrešnica, za njihovo postavljanje i održavanje nadležno je privredno društvo EuroplakatBH d.o.o. Sarajevo koje je sa Vladom Kantona Sarajevo potpisalo Ugovor o pravu postavljanja novih nadstrešnica na trolejbuskim, autobuskim i minibuskim stajalištima na području Kantona Sarajevo (br.02/02-05-15 od 06.01.2000.godine) kao i Anex Ugovora broj 04-14-16750 od 03.06.2013.godine.

Ministarstvo saobraćaja – Direkcija za puteve je u skladu sa članom 12. i 13. Ugovora o pravu postavljanja novih nadstrešnica na trolejbuskim, autobuskim i minibuskim stajalištima na području Kantona Sarajevo obavijestila privredno društvo EuroplakatBH d.o.o. Sarajevo da je obavezno nadstrešnice, svu opremu i reklamne ormariće držati uredne i u ispravnom stanju kao i sva oštećenja istih ukloniti u roku od 72 sata od nastanka oštećenja (zahtjev za popravku oštećenja i postavljenje nedostajućih kanti za otpatke Ministarstvo saobraćaja – Direkcije za puteve uputila dopisom br.04-14-20682 od 20.07.2015.godine i dopisom br.04-14-20682/2 od 28.07.2015.godine).

Napominjemo da je privredno društvo Europlakat d.o.o. je u više navrata u odgovorima na zahtjev za popravku nadstrešnica i opreme isticalo da se svakodnevno uništavaju i otuđuju i klupe za sjedenje kao i kante za otpatke postavljene u sklopu nadstrešnica, s obzirom na to da su i klupe i kante od inox-a, te ih nesavjesni pojedinci prodaju kao sekundarne sirovine.

S poštovanjem,

Dostaviti:

- * Naslovu
- Evidenciji
- Arhivi

DIREKTOR

Adem Zolj, dipl.ing.saob.



e-mail: dir.cesta@ks.gov.ba www.ks.gov.ba
Tel: + 387 (0) 33 560-402
Sarajevo, Hamida Dizdara 1

